



21. februar 2011

Inatsisartut suleriaasianni § 37 naapertorlugu matumuuna apeqqut imaattoq saqqummiunniarpara:

Naalackersuisunut apeqquteqaat:

1. ”INI-mi Suleqatigiit” suunukua, suullu pilersaarutigivaat?
2. Piginneqatigiiffimmi nutaami ”INI Byggeteknik A/S” atorfiit qassiuppat?
3. Sooq INI-p pisortaanertut atorfik Nuummi pilersippaa, Sisimiuni qullersaqarfik inissisimasoq?
4. Namminersorlutik Oqartussat piginneqatigiiffittut suliffeqarfiutaani allani pisortaanerit qullersaqarfiup inissisimaffiginngisaani inissitaappat?
5. Naalackersuisup Jens B. Frederiksen qanornguna isumaqarluni INI-mi aqqutissat nutaat maluginiarsimallugit?

(Inatsisartunut ilaasortaq, Malik Berthelsen Siumut)

Tunngavilersuutit:

Qaammatini kingullerni marlussunni A/S Inissiatileqatigiiffik INI pillugu nutaarsiassat aviisitigut ullormut saqqummersartutigut atuarneqarsinnaasarput.

Februaarip 7-ini 2011-mi nalunaarutigineqarpoq, A/S Inissiatileqatigiiffik INI atimini piginneqatigiiffiliorpoq ”INI Byggeteknik A/S”-mik, tusagassiutitigullu nalunaarusiami INI-mi Suleqatigiit taaneqarlutik. Piginneqatigiiffik nutaaq pisortaanertaassagunarluni Nuummi inissisimasussamik.

Tamanna sioqqullugu A/S Inissiatileqatigiiffik INI-mi Kundedirektør atorfik Nuummi inissisimasussaq inuttassarsiuunneqarpoq.

Tamatuma saniatigut Jens B. Frederiksen, INI-p Namminersorlutillu Oqartussat akornanni nutaamik iliuusissatut pilersaarusiormik isumaqatigiinnermut atatillugu oqaaseqarpoq, ”INI aqqutissat nutaat atorlugit sulinialersoq malugisinnaavara”.